



Broj: 13-03-05-16762/12  
Sarajevo, 04.05.2012.godine

**SKUPŠTINA KANTONA SARAJEVO**  
Prof. dr. Mirjana Malić, predsjedavajuća

**Predmet:** Odgovor na zastupničku inicijativu zastupnice Fikrete Mulaosmanović, dostavlja se

Na 14. Radnoj sjednici Skupštine Kantona Sarajevo održanoj 23.04.2012.god., u okviru tačke Dnevnog reda „Poslanička pitanja, inicijative i odgovori“, zastupnica Fikreta Mulaosmanović je iz razloga opadanja nataliteta u našoj sredini pokrenula slijedeću inicijativu:

„Da Vlada Kantona putem nadležnog ministarstva poveća novčanu pomoć ženi-majci koja nije u radnom odnosu, kao i porodilji koja se nalazi na redovnom školovanju i koja se isplaćuje u periodu od godinu dana od dana porođaja, sa sadašnjih 120,00 KM na 300,00 KM.“

**ODGOVOR:**

Ministarstvo za rad, socijalnu politiku, raseljena lica i izbjeglice Kantona Sarajevo smatra opravdanom inicijativu zastupnice Fikrete Mulaosmanović za povećanje novčane pomoći ženi-majci koja nije u radnom odnosu i porodilji koja se nalazi na redovnom školovanju, uz konstataciju da je predloženo povećanje sa sadašnjih 120,00 KM na 300,00 KM adekvatan iznos.

Međutim, da bi se pristupilo povećanju iznosa prethodno je potrebno obezbijediti budžetska sredstva, a nakon toga pristupiti izmjeni Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“ br. 16/02, 8/03, 2/06, 21/06 i 17/10) koji propisuje da novčanu pomoć žena-majka koja nije u radnom odnosu i žena-majka porodilja koja se nalazi na redovnom školovanju ostvaruju u iznosu 20% od prosječne plaće, što prema Uredbi o visini koeficijenta za obračun prosječne neto plaće ostvarene u Kantonu Sarajevo u prethodnoj kalendarskoj godini i Naredbi o iznosima po Zakonu o socijalnoj zaštiti, zaštiti civilnih žrtava rata i zaštiti porodice sa djecom iznosi 120,00 KM.

Znači, bez obezbijedenih budžetskih sredstava, povećanje novčane pomoći navedenim kategorijama porodilja ne može se staviti u zakonski okvir, jer su trenutno ista ograničena. Kako je u pitanju značajna inicijativa čija bi realizacija zasigurno dovela do povećanja nataliteta u Kantonu Sarajevo, ovo ministarstvo sa Vladom Kantona Sarajevo će uložiti dodatne napore i ovaj problem pokušati riješiti u narednoj budžetskoj godini.

Pripremila: Šefika Tolj, stručni savjetnik za drugostepeno  
upravno rješavanje i socijalnu zaštitu \_\_\_\_\_

Kontrolisao: Mesud Peljto, pomoćnik ministrice u  
Sektoru za socijalnu politiku \_\_\_\_\_

**MINISTRICA**

Dostavljeno:

1. Naslovu
2. a/a

**Velida Memić, dipl. pravnik**



Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo za rad, socijalnu politiku,  
raseljena lica i izbjeglice



Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Labour, Social Policy, Displaced  
Persons and Refugees



**web:** <http://mrsri.ks.gov.ba>  
**e-mail:** [radsocra@ks.gov.ba](mailto:radsocra@ks.gov.ba)  
Tel: + 387 (0) 33 562-089, Fax: + 387 (0) 33 562-090  
Sarajevo, Reisa Džemaludina Čauševića 1

